



LEMBAR KERJA PESERTA DIDIK (LKPD) DIGITAL

Mata Pelajaran Bahasa Jawa



Nama :

Kelas :

No Absen :

SMP NEGERI 38 SURABAYA

KEGIATAN BELAJAR 2**MATA PELAJARAN : BAHASA JAWA****KELAS : VII****A. Kompetensi Dasar :**

3.1 Memahami teks hasil observasi, tanggapan deskriptif, dan eksposisi dalam bentuk informasi atau berita secara lisan dan tulis.

4.1 Menelaah dan menyunting teks hasil observasi, tanggapan deskriptif, dan eksposisi dalam bentuk informasi atau berita secara lisan dan tulis

B. Tujuan Pembelajaran :

Setelah mempelajari modul ini diharapkan siswa dapat:

3.1.1 Menjelaskan struktur teks tanggapan deskriptif secara lisan dan tulis

3.1.2 Menentukan ciri bahasa teks tanggapan deskriptif secara lisan dan tulis

3.1.3 Menyimpulkan isi teks tanggapan deskriptif secara lisan dan tulis

C. Materi Pembelajaran**Gambar Gunung Bromo**

Tugas 1: Nyemak Teks Tanggapan Dheskriptif

Gunung Bromo yaiku sawijining obyek wisata gunung ing Jawa Timur sing banget nengsemake tumrap para wisatawan dhomeistik lan wisatawan saka manca negara. Gunung Bromo dumunung ing wilayah pamarentahan propinsi Jawa Timur kang dumadi saka patang wilayah, yaiku kabupatèn Probolinggo, Pasuruan, Lumajang lan Malang. Dhuwure gunung Bromo yaiku 2.392 meter saka lumahé segara. Gunung Bromo minangka obyek wisata kang wis misuwur ing saindenging donya didadekake icon wisata dening pamarentah Propinsi Jawa Timur.

Gunung Bromo tansah dadi papan kang nyenengake, jalaran duwe pemandhangan kang ora tinemu ing panggonan liya. Gunung Bromo kinupengan segara wedhi kang jembaré kurang luwih 10 km persegi, misuwur anane sunrise sing saben-saben dienteni dening para wisatawan. Ing pucuke gunung Bromo katon kawah sing ajeg nyemburake geni lan kukus, nduweni dhiameter kurang luwih 800 meter yen diukur saka arah lor nganti sisih kidul, lan kurang luwih 600 meter saka arah wetan nganti pinggire kawah sisih kulon. Ana papan sing dianggep mbebayani tumrape pangunjung, yaiku papan radhius 4 kilometer saka kawah.

Obyek wisata Gunung Bromo klebu wewengkon Taman Nasional Bromo Tengger Semeru. Tumuju menyang Gunung Bromo sing paling kepenak kawiwitan saka Penanjakan. Ing Penanjakan para wisatawan bisa ndeleng sunrise utawa prastawa mletheke srengenge sing sesawangane endah lan nengsemake. Sabanjure bisa nerusake laku menyang kawahe gunung, bisa mlaku bisa uga nyewa jaran utawa jeep supaya ora kesel. Nalika ngliwati segara wedhi bisa ndeleng bangunan papan ibadahe suku Tengger sing nggilut agama Hindu. Bangunan kasebut diarani Pura Luhur Poten. (liburanbromomurah.com/wisata-gunung-bromo (15 okt 2014 kanthi owah-owahan sawetara))

Bausastra

misuwur : kondhang
nengsemake : nyenengake
jembar : amba
kukus : pega
endah : apik
wewengkon : wilayah
nggilut : nganut

Pepeling:

Teks tanggapan dheskriptif yaiku teks sing isine nggambarake obyek kanthi gamblang lan rinci .

Tujuan paragraf ing teks tanggapan dheskriptif yaiku kanggo njlentrehake, nerangake sawenehe obyek marang sing maca saengga wong sing maca kayakaya melu ngrasakake, ngrungokake, ndeleng utawa ngalami tumrap apa sing wis didheskripsekake dening penulise.

Tanggapan dheskriptif yaiku kesan tumrap apa sing wis dideleng, dirungu marang (tumrap) obyek tartamtu, lan nalika maca kaya-kaya weruh lan ngrasakake obyek sing diwaca.

Ciri-ciri teks tanggapan dheskriptif:

1. Nggambarake panggonan, wong, barang, kahanan nganggo pancadriya
2. Tujuane supaya wong sing maca kaya-kaya melu ngrasakake utawa ndeleng dhewe marang obyek sing didheskripsekne
3. Ciri-cirine obyek diterangake kanthi gamblang lan rinci.

Tugas 2: Nyemak Struktur Teks Tanggapan Dheskriptif

1. Wacanen sepisan maneh teks "Gunung Bromo" ing ndhuwur. Sawise maca teks tanggapan dheskriptif bakal tinemu peranan teks kang dumadi saka idhentifikasi, klasifikasi/dhefinisi lan dheskripsi bagean.
 - a. Idhentifikasi yaiku peranan utawa bagean sing nerangake titikan (ciri), barang, tandha lan sapanunggalane.
 - b. Klasifikasi/dhefinisi yaiku peranan sing mantha-mantha manut jinis utawa klompoke
 - c. Dheskripsi bagean yaiku peranan sing nerangake gegambaran sing luwih rinci.

Struktur Teks
Tanggapan

Identifikasi

Klasifikasi/
dhefinisi

Dheskripsi
Bagean

D. Tugas**A. Jawablah pertanyaan berikut :**

1. Gunung Bromo yaiku sawijining obyek wisata gunung ing Jawa Timur sing banget nengsemake tumrap para wisatawan dhomeistik lan wisatawan saka manca negara. Saka perangan ukara iki kalebu struktur tanggapan dheskriptif kang diarani....
2. Gunung Bromo kinupengan segara wedhi kang jembaré kurang luwih 10 km persegi, misuwur anane sunrise sing saben-saben dienteni dening para wisatawan. Saka perangan ukara iki kalebu bagean teks tanggapan dheskriptif sing diarani....
3. Obyek wisata Gunung Bromo klebu wewengkon Taman Nasional Bromo Tengger Semeru. Saka dudutan/kesimpulan ing ndhuwur diarani....

B. Pilihlah jawaban yang paling benar

1. Gunung bromo ana ing laladan....
 - a. Banten
 - b. Boyolali
 - c. Kediri
 - d. Probolinggo
2. Puncake gunung Bromo kurang luwih ana....
 - a. 2.392 meter saka lumahe segara
 - b. 2.393 meter saka lumahe segara
 - c. 2.394 meter saka lumahe segara
 - d. 2.395 meter saka lumahe segara
3. Gunung Bromo ana suku kang diarani....
 - a. Badui
 - b. Dayak
 - c. Samin
 - d. Tengger

C. Lengkapilah kalimat berikut dengan mengdrag lalu tempelkan kata tersebut dengan mendrop agar kalimatnya benar

Gunung Bromo kinupengan segara wedhi kang jembaré kurang luwih km persegi, misuwur anane sunrise sing saben-saben dienteni dening para wisatawan. Ing pucuke gunung Bromo katon kawah sing ajeg nyemburake geni lan kukus, nduweni dhiameter kurang luwih meter yen diukur saka arah lor nganti sisih kidul, lan kurang luwihmeter saka arah wetan nganti pinggire kawah sisih kulon. Ana papan sing dianggep mbebayani tumrape pangunjung, yaiku papan radhius kilometer saka kawah.

800

600

10

4

d. Silahkan tarik garis dari lajur kanan ke lajur kiri sehingga menjadi jawaban yang benar



Suku Tengger



Rumah Adat



Pura Luhur
Poten



MATUR
NUWUN